

2023/24 香港學校戲劇節
Hong Kong School Drama Festival 2023/24



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

學校名稱 : 聖公會德田李兆強小學
Name of School : S.K.H. TAK TIN LEE SHIU KEUNG PRIMARY SCHOOL
劇名 Name of Play : 勤勞是...
劇作者 Script writer : 學生集體創作

故事大綱 Synopsis :

一百週年校慶在即，校長希望各班以「勤勞」為主題好好表現一番，各班各出奇招。到底誰人才是學校最勤勞的人？校慶當晚的「勤勞大獎」又會花落誰家？在各班老師帶領下，同學們又能否悟出「勤勞是...」？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

時間： 校慶前兩周

場景： 禮堂

(同學 D 扮演山,一直在台上, 同學 C 出)

同學 C: 勤勞係一種美德,自古已經有好多偉人都係咁,例如有「漁夫」

(同學 A 從台邊叫出來)

同學 A: 係愚公呀!

同學 C: 愚公。

(同學 B 扮演愚公出, 手拿著劇本)

同學 B: 嘩,呢座山喺正我屋企門口,唔得,我要移開佢

(愚公未移,山已自己走開)

同學 B: 我都未移,你做咩咁快郁呀?

同學 D: (放下山,舉手)阿 Sir, 我...

同學 A: (想提示同學) 演緊戲唔好叫呀 Sir 呀!

李 Sir: 停! 錯晒呀! 你地有冇搞錯呀? 得返幾日咋連劇本都未背好!

同學 B: 阿 Sir 我好多對白呀

李 Sir: 有幾多呀?

同學 B: 5 句...

李 Sir: 5 句都叫多?

同學 B: ...每版。呢度有成七八十版呀!

李 Sir: 多咪勤力啲背囉! 校長話 100 周年校慶.....



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(想像中的校長出)

(此校長為李 Sir 想像之校長,造型古怪)

校長: 嚟緊 100 周年校慶,我諗住用勤勞做主題!咁多位六年班班主任,你地要同啲學生加油,今次係你 Show time 啦!

校長: 即係李 Sir 你想升職,今次就係機會啦!

(校長入)

李 Sir: 所以,如果你地今次做唔好呢...

同學 C: 咁會點呀?

李 Sir: 咁我就冇得升職囉,所以你地快啲練好個表演佢! 如果唔係我罰你地抄勤勞 10000 次呀下! 我去食 Tea 返嚟再排過!

同學們: 下?...知道,李 Sir。

同學 D: 阿 Sir...

李 Sir: 又點呀?

同學 D: 我好急,可唔可以去廁所呀

李 Sir: 呀....去啦去啦去啦...

(音樂起)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

時間: 校慶前兩周

地點: 6B 課室

(上課鐘聲)

周主任: 6B 班全部人坐好! 嚟緊學校 100 周年校慶, 校長想大家用勤勞嚟表演。我幫大家諗咗啦, 一於表演聞雞起舞啦!

同學 F: 即係點呀?

周主任: 有冇人知?

(同學 F 舉手)

周主任: Ryan(叫同學 F 名)

同學 F: 聞雞起舞係晉代嘅祖逖同好朋友劉琨嘅故事, 當時佢地嘅國家打緊仗, 佢地好想報效國家, 於是天都未光, 一雞啼就起身練武。

同學 E: 即係我地要跳舞? K-POP?

周主任: 唔係跳舞呀, 係舞劍個舞呀! 你地聽日開始 6 點就返嚟學校, 我教大家耍太極!

全班: 耍太極?

(同學 F 舉手, 周主任示意)

同學 F: 但係周主任, 耍太極同勤勞有咩關係呀?

周主任: 早啲起身咪勤勞啲囉! 咁咁早又唔知做乜好, 咁耍太極就唔離譜!

同學 G: 下? 但係周主任, 我媽咪幫我安排咗 6 點到 7 點要補習㗎!

周主任: 咁早?

2023/24 香港學校戲劇節
Hong Kong School Drama Festival 2023/24



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

同學 G: 係呀,佢話勤有功戲無益,叫我要花多啲時間溫書呀!

周主任: 咁你就一路補習一路 Zoom 住耍太極啦! 今次唔衰得畀校長睇㗎!

(校長出)

(此校長為周主任想像之校長,造型古怪)

校長: 各位同事,今次校慶好重要,因為學校資源有限,今次搞唔好,我地可能要裁員,所以...大家加油啦!

(校長入)

周主任: 我重有幾年就退休啦,我唔想收到大信封!所以大家一定要畀心機!嚟,紮好馬步先

(全班跟著做)

周主任: 一個大西瓜,分兩份,一份畀你,一份畀佢.....

(音樂起)

2023/24 香港學校戲劇節
Hong Kong School Drama Festival 2023/24



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

周主任： 我地班太極真係耍得唔錯，好過佢地班做嘅調查多多聲啦。佢地個調查唔公平呀，都唔係問晒所有人!

校長： 辛苦晒呂老師，周主任講得啱，民意調查應該人人都有得投，唔知我可唔可以都投呢?

呂老師： 當然可以啦!

(校長到台)

校長： 首先要多謝晒 3 班同學，我見到大家都好勤勞。我原本係諗住叫幾位班主任谷下你地啲成績，令你地勤力啲溫書。

眾： 吓!?

校長： 不過錯有錯著，我諗大家都明白真正嘅勤勞係一樣點嘅精神。6C 班，做得好...我覺得學校入面最勤勞嘅人，都係林伯! (打開信封) 而校董佢地都贊成我嘅諗法。百周年勤勞大獎得主: 林伯!

林伯： (開心)下?真㗎?多謝晒呀!

李 Sir: 其實我地班都好勤勞㗎，愚公移山嗰，幾勵志呀!

校長: 其實真正嘅勤勞，係唔使掛喺咀邊嘅，做好自己就有人會睇到。各位班代表，請你地出嚟頒獎啦!

(頒獎)

呂老師: 林伯恭喜你呀! 你咁多年嚟為學校默默付出,大家都係有目共睹!

周主任: 校長我都服務咗好多年，下年唔知會唔會都有獎呢?

李 Sir: 咪講咗囉，真正嘅勤勞，係唔使掛喺咀邊嘅

(音樂起)

(每人一句對勤勞的想法)

學生 ABC: 勤勞係畀心機、永不放棄

學生 DEF: 勤勞好似係螞蟻咁唔可以懶

學生 GHI: 勤勞係一種美德,係成功嘅核心



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

主持、林伯: 勤勞係好專注去做一件事

周主任: 勤勞係聞雞起舞

李 Sir: 勤勞係愚公移山

校長: 勤勞係一直向前不怕艱辛

呂老師: 勤勞係...

全部人: 我地一齊學習緊嘅野

(音樂漸大)

(全劇完)